



ADVOKATI PIŠU ŽALBE

Pritvoren i Edin Arslanagić • Sud prikuplja podatke za naredbu o međunarodnoj potjernici za Bojana Kebea

M. ĐUROVIĆ RUKAVINA

Branitelji pohapšenih u akciji BUYER, u kojoj su svi osumnjičeni za organizovani kriminal u Bosnalijeku u periodu od 2002. do 2012, pripremaju žalbe na sudsko rješenje o jednomjesečnom pritvoru. Neki od njih sudski otppravak su već dobili, dok ga drugi očekuju, ali svi kažu da će žalbe na pritvor u zakonskom roku biti uložene.

Sletio iz Münchena

Advokat Nermin Vila, koji sa odvjetnicama Edinom Rešidović i Senkom Nožica, čini tim odbrane Edina i Amara Arslanagića te Šefika Handžića, već pripremaju žalbu, a advokati Senad Kreho i Midhat Kočo do jučer poslijepodne nisu dobili sudski otppravak, ali žalbe najavljuju. Kreho brani Aidu Selvić, a Kočo Jasmina i Hasana Šepu.

Zbog organizovanog kriminala u kojem su kao uposlenici firmi Bosnalijek, Brštanica i Carpe Deim, te firme, ali i budžet Kantona Sarajevo oštetili za višemilionski iznos, pritvoreni su otac i sin Edin i Amar Arslanagić, otac i sin Hasan i Jasmin Šepo, zatim Šefik Handžić, Aida Selvić, te Samir Telibečirović i Izet Arslanagić. Edin Arslanagić, bivši direktor Bosnalijeka, osumnjičen kao vođa organizovane grupe, posljednji je pritvoren u nedjelju, 31. maja, na Međunarodnom aerodromu Sarajeva prilikom povratka iz SAD-a.

Njegovo hapšenje jučer su potvrdili i iz SIPA i Granične

policije BiH.

- U nastavku akcije kodnog naziva BUYER, policijski službenici SIPA, u prostorijama Međunarodnog aerodroma Sarajevo, u nedjelju su u popodnevnom satima slobode lišili još jednu osobu zbog postojanja osnova sumnje da je počinila krivično djelo iz člana 342. KZFBiH organizirani kriminal, u vezi sa krivičnim djelom iz člana 383. KZFBiH zloupotreba položaja ili ovlaštenja, 273. KZFBiH poreska utaja, 389. KZFBiH krivotvorenje službene isprave i krivičnim djelom iz člana 252. KZFBiH sklapanje štetnog ugovora. Aktivnosti su izvedene po uputama postupajućeg tužioca. Slobode je lišena osoba inicijala E. A. (1945), koja je zatim privedena u službene prostorije SIPA u Istočnom Sarajevu, gdje je kriminalistički obrađena, nakon čega je predata Kantonalnom sudu u Sarajevu na dalje postupanje, glasi saopštenje SIPA.

U akciji privođenja Edina Arslanagića učestvovali su i pripadnici Granične policije BiH.

- Pripadnici Jedinice granične policije Aerodrom Sarajevo su 31. maja 2015. na letu iz Münchena kontrolirali E. A. (1945), državljanina BiH. Prilikom graničnih provjera ustanovljeno je da ga potražuje Državna agencija za istrage i zaštitu - SIPA zbog krivičnog djela organizirani kriminal u vezi sa krivičnim djelima zloupotreba položaja ili ovlasti, poreske utaje i krivotvorenje

isprave. O događaju su obaviješteni službenici SIPA kojima je E. A. predat na dalje postupanje, saopšteno je jučer i iz Granične policije BiH.

Pripreme za naredbu

Ročište o pritvoru održano je u petak, 29. maja, a sudija Kantonalnog suda u Sarajevu Husein Delalić je 30. maja odredio jednomjesečni pritvor za sve uhapšene. Osumnjičen je i Bojan Kebe, nekadašnji direktor marketinga u Bosnalijeku, koji se trenutno nalazi u Sloveniji. Sudija Delalić jučer poslijepodne nam je potvrdio da se radi na prikupljanju podataka kako bi Sud izdao naredbu Ministarstvu sigurnosti BiH koje potom vrši daljnje radnje na raspisivanju međunarodne potjernice.

Kebe se oglosio preko bh. portala poručivši da ne vjeruje u pravni sistem BiH, te da se neće odazvati pozivu ako ga dobije. Sudu je ponudio "telekonferenciju" ako želi da ga čuje?!

Rok za podnošenje žalbi na mjeru pritvora je 24 sata, a sud ima 48 sati da odluči po uložnim žalbama.

PONUĐA IZ SLOVENIJE

Kebe se oglosio preko bh. portala poručivši da ne vjeruje u pravni sistem BiH, te da se neće odazvati pozivu ako ga dobije. Sudu je ponudio "telekonferenciju" ako želi da ga čuje?!

Page: 9

Reach: 0

Country: BOSNIA AND HERZEGOVINA

Size: 482 cm2

2 / 2



Edin i Amar Arslanagić: Žalba na pritvor



Bojan Kebe: Ne vjeruje u pravni sistem BiH